

ҚР Ұлттық Банкінің ақпараттық хабарлары

1.Қазақстандықтар қолма-қол АҚШ долларын белсенді түрде сатуын жалғастыруда

Ішкі валюта нарығындағы ахуал салыстырмалы түрде тұрақты болып калуда. Бұл туралы бүгін ҚР Парламенті Сенатының пленарлық отырысы барысында ҚР Ұлттық Банкі Төрағасының орынбасары Алпысбай Ахметов хабарлады.

Оның айтуынша, айырбастау бағамының күн сайынғы әрі-бері ауытқулары әдеттегі шекте орын алуда. Олар мұнай бағасының және елдің негізгі сауда әріптестерінің валюта бағамдары серпіні негізінде нарыққа қатысушылардың күтуімен айқындалады.

«Теңге бағамының нығаюы ағымдағы жылдың 5 айында 1,2%-ды құрады. АҚШ доллары ұсынысының оған сұраныстан асып кетуі сақталып отыр. Теңгенің айырбастау бағамының күрт ауытқуларына жол бермеу және алтын-валюта резервтерін толықтыру үшін Ұлттық Банк шетел валютасын сатып алуды жалғастыруда», – деп атап өтті А.Ахметов өз баяндамасында.

Қаржы реттеушісі басшысының орынбасары қолма-қол шетел валютасы нарығында халық тарапынан қолма-қол АҚШ долларын айырбастау пункттері арқылы белсенді сату үрдісі жалғасып жатқандығын хабарлады. Ақпан-сәуірде халық 763,3 млн. АҚШ долларын сатты. А. Ахметовтің пікірінше, бұл теңгедегі құралдар бойынша барынша тартымды мөлшерлемелерге, сондай-ақ девальвациялық күтулердің төмендеуіне байланысты.

2.Қазақстанның халықаралық резервтері жыл басынан бері өсті – А. Ахметов

Елдің халықаралық резервтері жыл басынан бері 2,9 млрд. АҚШ долларына немесе 3,2%-ға өсіп, жиынтығында 94,3 млрд. АҚШ долларға

жетті. Бұл жөнінде бүгін ҚР Ұлттық Банкі Төрағасының орынбасары Алпысбай Ахметов ҚР Парламенті Сенатының пленарлық отырысында сөйлеген сөзінде хабарлады.

А. Ахметовтің баяндамасында айтылғандай, Ұлттық Банктің жалпы халықаралық резервтері жыл басынан бастап мамырдың соңында 1 млрд. АҚШ долларына жуық 28,8 млрд. АҚШ долларына дейін ұлғайды. Ұлттық қордың активтері жыл басынан бері мамырдың соңында 65,5 млрд. АҚШ долларына дейін өсті.

Қаржы реттеушісінің өкілі Ұлттық қор көлемінің өсуі жалпы портфель құрамындағы қаржы құралдарының оң инвестициялық кірістілігіне байланысты болғанын да атап өтті.

3.Экономиканы кредиттеу біртіндеп қалпына келе бастайды – Ұлттық Банк

Депозиттердің валюталық құрылымының өзгеруі кредиттеуге арналған теңге өтімділігі көздерін кеңейтуге түрткі болды, - деп хабарлады бүгін ҚР Ұлттық Банкі Төрағасының орынбасары Алпысбай Ахметов ҚР Парламенті Сенатының пленарлық отырысы барысында.

А. Ахметовтің деректеріне сәйкес, 2016 жылғы сәуірде 2015 жылғы қазаннан бері алғаш рет ұлттық валютадағы кредиттердің 0,2%-ға өсуі тіркелді.

«Жағымды белгілерге қарамастан, экономиканы кредиттеу салыстырмалы түрде төмен, ал банктердің ресурстық базасы шектеулі. Жалпы экономикалық ахуал әлі де тұрақсыз күйінде, соған байланысты кәсіпкерлер мен халық қарыз қаражатын тарту туралы шешім қабылдауда аса сақтық танытуда.

Экономиканы кредиттеу Үкімет пен Ұлттық Банк тарапынан қолданылатын шаралардың ықпалымен де, елдегі экономикалық белсенділіктің жалпы жандануына қарай да біртіндеп қалпына келе бастайды», – деп қорытындылады Ұлттық Банк басшысының орынбасары.

4.Теңгемен салымдардың өсуі экономиканы кредиттеу үшін мүмкіндіктерді ұлғайтады – Ұлттық Банк

Бұл жөнінде ҚР Ұлттық Банкі Төрағасының орынбасары Алпысбай Ахметов ҚР Парламенті Сенатының пленарлық отырысында сөз сөйлегенде хабарлады.

Ұлттық Банк басшысының орынбасары теңгемен салымдардың өскенін көрсететін статистиканы келтірді. Мәселен, депозиттер нарығында ұлттық валютадағы депозиттердің қаңтар-сәуірде 30,7%-ға немесе 1,5 трлн. теңгеге өсуі жалғасуда. Бұл ретте, шетел валютасындағы депозиттер сол кезеңде 10,5%-ға немесе 1,2 трлн. теңгеге (32,4 млрд. АҚШ долларынан 30,1 млрд. АҚШ долларына дейін немесе 2,3 млрд. АҚШ долларына) төмендеді.

«Нәтижесінде депозиттердің долларлануы 2016 жылғы қаңтардағы 70% болған жоғары мәннен сәуірде 60%-ға дейін, оның ішінде жеке тұлғалардікі 80%-дан 72%-ға дейін және заңды тұлғалардікі 62%-дан 53%-ға дейін төмендеуде. Болашақта біз теңгедегі салымдардың өсу үрдісінің жалғасуын күтеміз, бұл экономиканы кредиттеуді кеңейту үшін алғышарттар жасайтын болады», - деп қорытындылады А.Ахметов.

5.Ұлттық Банк инфляция бойынша нысаналы бағдарды сақтайды

Қаржы реттеушісінде ағымдағы жылдың соңында инфляцияның жылдық деңгейі 6-8% нысаналы дәліздің жоғары шегіне жақын болады деп күтуде. Бұл туралы бүгін ҚР Ұлттық Банкі Төрағасының орынбасары Алпысбай Ахметов ҚР Парламентінің Сенатында сөйлеген сөзінде хабарлады.

Оның пікірінше, бұл статистикалық әсерге байланысты, себебі 2016 жылғы 4-тоқсанда өткен жылдың соңғы үш айының жоғары инфляциясы (10,4%) ескерілмейтін болады. Бұдан басқа, теңге бағамы салыстырмалы түрде тұрақты болып қалуда, импорттық өнімге бағаның өзгеруі барынша төмен, – деп атап өтті А. Ахметов. Екіншіден, нақты көрсетуде жалақы төмендеуде, бұл тұтынушылық сұранысты шектейді. Үшіншіден,

экономикада төмен іскерлік белсенділік сақталуда. Төртіншіден, Ресейдегі барынша төмен инфляция аясында ресейлік тауарлармен бәсекелестік қатаңдатылуда.

Сонымен бірге, қаржы реттеушісінің өкілі Ұлттық Банк шараларының ортамерзімді кезеңдегі инфляцияға әсер ететінін қосымша атап өтті.

«Біз 2017 жылға болжам жасап, 2020 жылға дейін инфляцияның 4%-дан төмен бағдарын белгілейміз. Бұл біздің мақсатымыз, оған қол жеткізу үшін біз бар күш-жігерімізді жұмсаймыз», - деп қорытындылады Ұлттық Банк басшысының орынбасары.